

香蘇山館詩集

香蘇山館今體詩鈔卷三

東鄉 吳嵩梁 蘭雪

次韻劉十松風遊靈岩

佛日岩前夢屢經，維船昨夜雨零星。
曉雲一徑上衣白，春水半湖連岫青。
廊粉飄殘尋畫屨，井闌惆悵墜銀瓶。
新詞唱殺無人管，付與閒僧野鶴聽。
西施井響屨
俱在靈岩

書東浦先生詩後

詩法如兵法，縱橫極萬端。
鉅公能折節，名將此登壇。
碧長鯨怒天，青老鶴盤巖。
塵甘斂手一字鑄，金難

五月五日潘榕皋農部蔣立崖司馬招同人讌集

山塘呈錢辛楣袁簡齋兩先生

旌旆捎雲鼓擊雷龍舟成隊過江來千行珠翠圍歌榭
萬朵芙蓉護鏡臺紈扇題詩傳妙墨金龜換酒得仙才
座中二老頭如雪笑領羣芳一舉盃

江色蒼蒼化暮煙重扶殘醉上歌船水搖燭燄紅成海
雲遇簫聲綠滿天士女連宵傾一郡湖山此會定千年
科頭畫我當花坐絕代蛾眉替捧箋是日畫雅集圖簡翁以余擬王晉卿

湖上觀荷呈王夢樓太守同繼蓮翁作是日太守

內集命家姬合樂卽席奉酬

荷風十里漾清蓮面面凌波翠蓋翩爲雨過初宜載酒

到花深處恰停船一枝玉笛攜歌侶萬朵紅雲捧謫仙
更乞寫生畱粉本湖山詩畫共千年

斜陽已到水邊紅裊裊歌聲散遠空湖翠全收雙袖裏
樓陰倒入萬花中已驚柳絮詩才捷况得鷗波墨妙同
向晚酒醒迴畫舫鬢絲涼透白蓮風

題玳梁女士畫梅兼呈夢樓太守

嫩寒薄暝最相宜明月初橫文字枝一種澹粧偏絕代
風神全似阿翁詩

湖上夜歸呈夢樓丈兼柬賓谷都轉

驚鴻照影總翩翩檀板重攜樺燭前聽到歌喉千百轉

明珠如雨落江天

鏡光十頃浸樓臺垂柳陰中畫槳迴湖上
更涼月滿芙蓉齊化美人來

簪珮天然入畫圖玉山傾倒倩人扶當年若秀行觴地
海國琪花似此無公從冊使至琉球其主出貴公子歌舞侑觴號爲若秀事見集中

戟門深夜不曾關待我狂歌擁楫還說與使君應妬煞
萬花管領又湖山

過倚虹園

碧陰樓閣散餘霞行過名園欲繫楫白月一天風十里
夜深涼殺滿湖花

六月廿四日平山堂曉發卻寄王夢樓太守賞賚

谷運使

飲過荷花生日酒好風吹我放歸船溼紅千柄露傾蓋
空碧一篙江浸天歌舞連宵如斷夢樓臺侵曉但微煙
關心最是歐公柳別緒絲絲勝往年

別錢辛楣詹事王西莊光祿潘榕皋農部

虎阜蒼涼又夕暉驪歌頻唱欲沾衣兩江詩老題襟徧
千頃荷花擁櫂歸野雀暫爲滄海別慈烏仍向故山飛
姓名許附儒林傳溪館秋深更掩扉

舟發玉山

一鏡遠波色秋江如此閒孤篷連夜雨綠遍故鄉山暮
網收紅鯉晴沙占白鷗把書臨水坐窗戶不會關

八月廿九日到家

馬背迢遙怨夕暉如今纔許卸征衣千金賣賦貧無補
一第還家願已違老葉多情飄客袂癡雲依舊鎖柴扉
雁行吹斷秋風緊悽絕江湖隻影歸

萍梗天涯信屢訛慈闇辛苦夢關河青燈雙蕊連宵結
白髮三年較昔多薄祿難求仍負米秋巢重補待牽蘿
同心賴有閨中婦調罷琴絲理釣蓑

樂蓮裳寓齋小集

布衣不願王門客一棹江南歸去來濁酒暫求今日醉
寒花全爲故人開籠中病鶴能長唳砦底孤松竟散材
回首軟紅塵十丈諸公衮衮正燕臺

次韻題硯齊觀察峴首曉行圖

無數春山赴驛程畫旗低颺曉風輕一釣澹白月初墮
千樹亂紅花怒生林雨收將嵐漠漠江雲遮斷水盈盈
羊公碑在憑誰訪好句吟安信馬行

題白庵畫竹贈甘三海樵

白庵能畫竹標格似吾詩得酒有狂態捎雲無醜枝筠
綠雨餘淨笋香風自吹此君交耐久持贈最相宜

晤陳三石士話隨園舊游

最愛陳無已交情似酒醇不干當世事自愛讀書身浣
筆臨溪水尋秋約故人忘機吾共汝鷗鷺亦相親
同作隨園客驪歌黯不舒風帆京口利烟柳白門疎別
後狂猶昔樽前紗未虛袁安今健在寄語問何如

荅白庵

幕府分題送綵箋同將醉墨灑雲烟須知吾輩相推久
獨在羣公未賞前博士才高甘小就名山心苦逼中年
閉門合謝閒車馬老屋寒檠手一編

書楊西河大令九柏山房詩卷

吳會人才藪題襟此獨遲狂能山簡醉橫絕杜陵詩天
馬騰雲路寒松偃鐵枝柴門風雪夜展卷一相思

周載軒編修招飲舟中書蜀游詩卷

歸舟已放又遲迴秋渚風高畫角哀尺素訶從雲外到
詩人喜自蜀中來名高館閣推前輩天遺江山助逸才
別後詞鋒猶未減看燒椽燭倒深杯

雪棧雲林儼畫圖岷江勢挾萬山趨諸公趺宕能高詠
此老風流匹大蘇自古壯遊多入峽誰家絕艷更當壚
浣花終踐幽棲約枉駕君能過我無

得藏園書再寄同社諸子

軍門縱飲酒如川山館燒燈賦別筵黃葉更飄臨驛樹
白雲遙送過江船霜濃極浦翔孤雁月滿空山響夜泉
惆悵松陰茅屋裏短毫呵凜與題箋

興魯書院示及門諸子

南豐故宅郡城陰七百年來嗣雅音肄業同參都講席
論文須愜古人心空山鶴唳遙相答比屋書聲感獨深
一樣閉門攻苦地往時駒隙太駿駿余與伯兄茗香同學豫章今七年矣
游絲飛絮畫初長問字人來酒正香新雨綠生臨檻樹
嫩雲青到讀書床敢誇人座皆桃李何幸儲材亦梓桑
詩隨一簞衣鉢在拈花重與證蓮洋草溪師戾子士順天鄉試有乘梓掄

材集其在撫州使院見贈詩云蓮洋得鞭他年喻迎葉
拈花現在因又爲余作詞贊說書於香齋草堂圖卷後

家人至郡

布帆安穩卸羊城江岸先聞鵠語迎此去故鄉纔百里
來依講舍有諸生無多菽水謀初給大好谿山畫不成
老樹壓檐書擁榻今宵圍坐一燈檠

綠天深處便攜家底用笙歌列絳紗嬌女聰明貪識字
山妻風味愛煎茶幽棲近日耽無事學道中年望天涯
恰喜小園疎雨過沿階開遍手栽花

嘉慶元年

詔以子孫爲其祖父代賠公項一體豁免梁父前知河

南修武縣河工攤賄銀兩劄獲邀

恩感泣恭紀

一紙

新編下九天青衫拜舞篆香前破家未足輸官帑供祀
何期守石田雞犬頻驚持牒吏米薪全仰賣文錢鯨波
回首心猶悸飄泊江湖已十年

柴門深掩話團圓不聽追呼夢亦安慈母感先衰淚落

小儒思報

國恩難藜羹得飽粗知分葛被逢秋願忍寒籠鳥拂雲
魚縫壑如今方信海天寬

述懷呈郡守邵丈雙橋及邑令耿君哲堂

甘旨無長策飄零事遠遊吹竽慙一枚彈鋏徧諸侯車
馬多岐路闢河獨倚樓泉聲聽嗚咽苦憶在山流
早歲逢多故相依祇弟昆慈雅難戢羽斷雁更驚魂特
詔錫公帑全家斂淚痕敝廬歸最好寒餓亦

君恩

痛定仍思痛無家竟有家待求五秉粟補種一園花骨
肉歡纔洽風雲望敢奢年來慈母夢應不到天涯
廉吏能分俸閒庭許抱病自憐謀道晚翻媿受恩多幸
接雙鳬跡同聽五袴歌躬耕容負耒吾欲請東坡

山館夜坐卻寄幕府諸君

幾日不歸山換此一天綠疎雨晚來過溪聲在深竹
戰門畫鼓沸春霆歌舞宵闌酒未醒我正萬松陰裏坐
碧雲如水瀉空亭

晚涼

林亭向晚忽蕭疏檐瓦聲喧雨到初一枕新涼喜幽臥
不嫌微溼近窗書

溪上

柴扉臨水是誰家便擬傾壺坐淺沙晝出晚晴天氣好
綠芭蕉葉白荷花

李生榆

培謙

邀遊南湖歸集上橋寺時樂三蓮

裳將赴粵東卽用餞別

石臺當日行吟地一片秋光畫不成疎雨驟聞荷葉響
斜陽偏放柳梢晴江淹惜別原工賦俟喜能詩漸有聲
惆悵南湖人影散雪鷗烟靄總關情

鯉魚風起布帆斜客裏重陽路正賒薄暮更吹江上笛
贈行翻借佛前花故人持節臨珠海謂胡芝雲才子摛毫落
綵霞玉女峯頭高會日早槭新詠寄龍沙

寄胡果泉

克家觀察

觀察今循吏文冒舊使星

果泉前充甲寅科廣東主考官

探駢珠早得

祭鷗水猶腥月滿坡仙宅花深吏部亭政成惟坐嘯床
對舅山青

里社題襟久都門策蹇過酒憐因病少詩戒感秋多急
難思唐棣伯兄歿於直隸君爲經紀其喪幽居戀梓蘿無由報知已萬
事情蹉跎

隔峩仙槎駐旌旗捲暮雲江寒楓葉下天遠雁聲聞小
別書仍滯深情水不分迢遙官闈夢肯入鶯鷗羣

有客辭昭武風帆指惠州謂蓮裳知君敦古誼相賞必英

流鶴俸分甘旨龍川足讌游折梅須寄我天末正登樓

重陽前一日過適園呈李西華友棠侍郎

平原池館極清嚴小坐何妨竟日淹雲借午陰籠畫檻
水搖秋影上虛檐異書難借歸仍緩佳茗濃煎苦不嫌
誰道先生半采峻妙花一笑爲重拈

手植於今盡老蒼梧桐桂樹拂霄長葉邊雨細珠頻濺
花裏風迴袖亦香前輩心期追舊社薄寒天氣近重陽
待敲紗帽簪黃菊四海知公鬢有霜

由天慶峯意行至曉雲書屋燈上而歸

獨步尋詩去秋懷忽自深兩邊溪樹合一徑草蛩吟溼
翠猶霑屐斜陽不滿襟興闌歸已暮此意卽山陰

書西華侍郎金筑槎謠後

甲秀樓前綺席開辰陽江上使槎迴峒花狂鳥能歌舞
都入皇華句裏來

一代高名不數人文章勳業並嶙峋西林鐵柱臨川筆
天遣蠻荒識鳳麟貴州城南有鄂文端公紀功碑柱

謝季馴送柑

三百新紅顆筠籠感重攜壓枝霜後熟吾憶洞庭西

蔣秋竹教諭歸自湖南軍中賦贈

白刃叢中匹馬歸知君魂夢繞慈闈明燈重照樽前客
戰血猶腥短後衣邊徼雲深兵力合渚田秋涸稻香微
冷官耐可供甘旨驚鵲投林且緩飛

次韻答劉芙蓉孝廉兼柬楊西河大令

長門賦價擲黃金橐筆歸來只苦吟自遲爭覓求獨賞
何期笙磬得同音布衣趺宕諸侯座盃酒消磨萬刼心
不管打門風雪厲夜闌覓句擁寒衾

蘭陵標格繼隨州幕府題襟共雅游五字矜嚴如選將
千篇當麗敵封侯拚將好句能銷福未有才人不善愁
我已商量偕隱策碧桃栽滿繡詩樓

季冬望日陳蕉雪招同秋竹白庵輞岡夜集賦詩

酬別

笛聲吹徹暮寒天絳蠟交花照綺筵新句得從梅信裏

故人俱在酒樽前三更滿月當庭樹一櫂歸雲擁畫船
商畧此宵宜縱飲再團圓已是明年

征驂小駐又藏園黯澹離襟舊墨痕除夕只今能幾日
天涯猶有未銷魂干戈異地頻傳檄風雪還家獨扣門
但祝慈幃長健飯吾儕潦倒任乾坤

衢州

郡郭舟纔放江天鏡不如未妨搖櫓緩恰喜順流初雲
岫看成畫沙禽聽讀書紅柑三百樹摘後亦蕭疎

蓮花港

水淨新苔漾沙虛臥柳偏數峯開夕照一棹入溪烟野

色歸鷗外離心落雁邊夜深灘石響知有釣魚船

蘭谿

小泊當蘭渚何人唱竹枝明珠拋一串別緒蔓千絲獨夜霜寒早空江月墮遲殷勤煩翠袖重倚玉笙吹

前湖

向晚漁歌起前湖又一村空潭含日氣遠樹沒烟痕籬柵多編竹溪流直到門幽棲牽夙諾飄泊共誰論

嚴瀨

紅葉不可畫蕭蕭楓樹林回風一以拂吹滿釣臺陰石瀨寒逾響烟嵐晚更深水扉吟坐久空翠欲沾襟

舟中自訂癸丑甲寅詩卷感懷八首兼寄吳越諸公

燕市蹉跎百感侵
歡場未散已沾襟
吹笙易醒游仙夢
擊筑難銷壯士心
海氣青蒼連碣石
岱雲浩蕩接淮陰
支離病鶴籠初放
隻影江湖瘦不禁

盛名何敢匹
鄒枚一代公
卿盡愛才
幕府高秋張宴出
元戎小隊送
詩來座中跌宕揮
金戟花裏沉酣倒
玉盃
午夜軍門猶未掩
記從湖上櫂歌同

平生襟抱託青霞
鳳泊鸞飄亦可嗟
十載論文交海內
羣公傾蓋慰天涯
放翁圓扇摹詩社
賀監金龜擲酒家

曾許俊遊陪杖履山陰夜雪鏡湖花

石溪春暖燕南飛誰誦新篇入翠嶂五色繡絲傳唱滿
千金賦價倦遊歸盧備知已憐紅袖羅隱逢人問白衣
孤負瘦吟樓上句才兼仙佛古來稀

閨秀金纖纖贈句如此

建業姑蘇又廣陵當筵綠筆最飛騰樓臺春晚頻移棹
絲管宵闌獨翦燈年少風懷花正綺天寒離緒酒初冰
誰知縱飲酣歌地中有唐衢淚數升

寶幄鈿車白玉驄瓊花璧月錦帆風山橫北固斜陽裏
寺在南朝細雨中越水浣紗誰絕艷吳門乞食有英雄
登臨莫抱千秋感身世茫茫亦斷蓬

富春江色釣臺邊朵朵芙蓉浸碧漣素鯉上竿鱗未損
紅粧照水影都妍經過雲樹俱無恙我與溪山最有緣
二十四鷗相識久往來不避載書船

屐印衫痕翠未銷湖山入望又迢遙西冷花信遲三載
南渡風流訪六朝登雪樓頭天漠漠湧金門外柳蕭蕭
錦袍鐵弩今安在請爲錢王賦射湖

馮星實吳穀人兩先生皆奉諱家居而余方爲先
君治葬武林相晤感賦一篇

翰林佳句京華滿方伯清風海內稀士論傾心中外服
主恩予假後先歸孤兒行役方岐路二老相逢盡墨衣

汶水音書邢上酒舊遊回首淚重揮

環山小隱詩爲胡雒君賦

徵君讀書處山色照柴扉老葉黃堆屋秋雲白上衣久
別復相見俊遊殊未歸龍眠溪水綠夢落釣魚磯

次韻酬蘇潭先生兼寄陳東浦方伯曾賓谷邇使
別後仍多故樽前悟再生北風吹旅櫂前日到江城黃
葉千山暮青天一劍橫諸公相望久離思託秋衡

生計全家重

君恩積貲蠲山雲遲出岫江水誓歸田知己酬無地勞
人欲問天新詩增感激姓字每同編

風木嗟何怙原鵠泪不乾倦遊因母老孤立愴門單津
路抽帆緩水天負土難遙憐多病婦餧粥代承歡
日晚啼鳥急春迴庶草蕃解衣拜坡叟脫劍過吳門微
雪江南夜繁花水上村蹉跎騎崔客歸夢繞溪園

答程春廬王寶齋兼柬幕府諸君

江南小住未蹉跎離席天寒酒不波忍背梅花便歸去
湖山佳處故人多

次韻酬賓谷都轉

未喚渡江楫神遊吳越間名山畱我在詩草待公刪奉
母身原重持家婦亦辱一樽勞慰藉明月照歡顏

制泪讀新句蒼涼不可言先生知旅病後死出

君恩余家賄帑近
邀恩免卜葬歸心急憐才古誼敦酒醒聞雁

夜風雪黯羈魂

原唱附

曾燠賓谷

渡江詩遞到君尙在人間才子天宜惜憂端我乍刪
音書三歲少風雪一身屢轉復愁多病迎門審舊顏
別來何況味一一聽君言無地容親骨餘生感

國恩學從憂患長詩得性情敦有母需謀養離鄉又

愴魂

酬蔣師退吳山尊郭蓮生黃子宣喜晤之什兼呈

賓谷都轉文

諸公相望各泥雲
豈意鸞鳳再入羣
痛定未忘前日事
感深先輯故人文
青山荷鉏誰埋我碧海
騎鯨合讓君秉燭夜
闌疑夢寐霜櫓墜葉更紛紛

寒烟萬樹塚千堆
日暮城西跋馬回
風雨何人聞鬼唱
江湖有客悼仙才
文章骨肉原同氣
兒女英雄並可哀
莫向歡場揮暗淚
六朝花月但荒臺

寄王夢樓太守

萬荷花裏放歸船
別夢迢迢隔灞川
新雪寒銷今夜酒
故人詩賀再生年
鄭公幕府容狂客
洛社屏風畫散仙

聞說碧桃開又謝
麻姑應見海成田

用聽秋軒詩意

題管平原畫柳溪漁隱橫卷

細雨飛花上釣船
艾陵湖畔晚春天
漁兒漁女應惆悵
此客來經二十年

自敗其卷如此

涼雲葉葉柳絲絲
好是新晴下網時
我憶富春江上路
水窗閒臥看鷗鷺

題宋徽宗鞞紅牡丹

一枝絕艷照天涯
北狩何年反翠華
沙漠苦寒春不到
舊京誰進洛陽花

次韻酬賓谷都轉題吳山尊爲余倣離亭寒色圖

後兼寄方伯陳丈東浦謝丈蘇潭

旗亭傳絕唱標格似君稀鉅手前賢敵虛心眾妙歸愛才關性命譚藝術微病鶴相依久天寒愴獨飛

殘臘停征櫂歌聲入凍雲悲歡殊旦夕生死誤傳聞少不因人熱窮爲送鬼文買山心事畢麋鹿願同羣

歸程指吳越江色又蒼然諸老持風義重游感夙緣藉吹行乞市月滿運租船無限酬知淚飄零入斷煙

離心易成醉花下更傳盃夜雪燈初落春江雁早回布帆遙入畫風笛緩飄梅何日鷗盟踐溪西泛宅來

題郭厚菴種蕉別館

明月不到地碧雲初上天書聲深檻裏衫色晚涼前午
夢喧荷雨秋陰澹茗煙題詩新葉滿吾亦愛清妍

題張舸齋飲綠山堂

偕隱張平子工詩鮑令暉山堂斟壽酒花氣上春衣世
味中年澹天倫樂事稀那江風雪裏有客正懷歸

題繆善夫臨水粧樓上晚潮圖

白髮蕭蕭繆善夫風懷老去未全無晚粧樓上秋如水

第一銷魂唱鷓鴣

萬點寒雅萬柳條吳生軒畫境亦清超中年絲竹吾多
感只愛扁舟看晚潮

次韻酬徐大惕菴

昨夜詩成獨倚舷半帆初卸暮塞天故人失喜逢今日
新鬼招魂又隔年岐路飄零誰國士上清淪謫有神仙
迎門一笑真傾倒懷袖爭探別後篇

歲月飛騰喚奈何壯心三十未消磨江山落魄狂遊遍
花月逢場暗淚多太白問天攜警句王郎斫地更酣歌
輸君豪氣三千丈下筆依然捲怒波

登壇名將古多遲豈以雄飛傲伏雌富貴儻來彈指易
文章真處寸心知千花脫手都成樣百草逢春肯自私
白雪便教傳唱出調高愁煞郢中兒

黃金誰可駐遐齡塵海蒼茫感斷萍明月更從今夜白
破衫依舊昔年青狂來幕府揮金戟歸臥荒山只草亭
誰道布衣存間氣江天遙指少微星

爲吳山尊題南樓卻扇圖

紅墻碧漢路迢迢誰護雲驂過鵲橋聞道婿才天上少
仙人只願嫁文簫

南樓如畫月初華羅幔風微燭影斜纓倚紅鸞先一笑
春衫繡滿並頭花

攜琴小住借揚州司馬年來亦倦遊花裏酒樽賒不得
雪晴新典驃驕裘

茗話園圖記綠天助粧新寄夜飛蟬鹿門頭白能偕隱
一樣風懷惜少年

山尊方爲余夫婦
畫蕉陰茗話圖

送蔣師退歸南昌

餘生飄泊共江湖君返藏圓我益孤短櫂凌寒兼雨雪
全家收淚飲屠蘇同爲歸計蹉跎甚各有慈親老病俱
一紙萬金憑寄達莫將離緒減歡娛

鎮江夜泊王夢樓太守自焦山探梅歸過舟中話

別

先生昨踐探梅約爲說瓜廬境最超一塢寒雲藏古寺

萬枝晴雪臥春潮

山麓梅花最盛
倒影皆入江中

看花信有名山福載

酒難逢野鶴招惆悵孤篷微雨夜衝泥親送潤州橋

靈澤夫人祠

虛堂劍佩晝無聲門外春山遠簷橫宮女如花猶列陣
洞房燒燭記譚兵銷魂萬古黃陵廟遺恨三分白帝城
知比湘靈心更苦寒江嗚咽暗潮生

東浦方伯枉過舟次賦呈二首

江雲低擁畫旗偏在駕津亭又隔年孺子來遊虛舊榻
韓公薦士寵新篇風迴鶴市花成雪路入鶯湖柳似烟
紅燭夜臨春水照有人爭認孝廉船

繞樹驚烏亦倦飛南天搔首淚沾衣十年憂患供多病

一櫂江淮感獨歸經世自知無實用讀書今稍悟前非
北堂甘旨容粗給山翠深深愛掩扉

前元和令賈約園寓舍小集同胥大燕亭

潘令年來感索居菜根滋味近何如恰逢小雨能畱客
頻典春衣爲買書詩思最憐花蘊藉壯懷同借酒消除
耦耕畢竟江南好茶磨山前待荷鋤是日出所藏王雅宜畫野菜譜同觀

虎邱讌集同陳渠生昆仲兼懷劉松嵐刺史

山逕香濃拾翠鉢移燈重醉玉蘭前笙歌天上有今夕
桃李江南無此妍萬里故人初領郡百花生日又離筵
錦州春色應來晚腸斷吳儂載酒船甲寅春仲玉蘭盛開予與松嵐日醉

花下今別
五年矣

鴛鴦湖

鴛鴦湖上雨初晴，卻愛收帆緩緩行。
楊柳碧連春水動，桃花紅接斷雲生。
溪山是處堪借隱，踪跡頻年悔近名。
歸櫂便攜茶具出，辦竿先去訪漁兄。

上巳日蘇潭方伯招同徵士胡雒君邵右庵袁陶軒鄭簡香明經王實齋公子伯芝仲蘭集湖舫修禊次韻奉酬

東君有佳約，泛我金牛湖。
釀法傳仙姥，泉香記僕夫。
泉在孤山
莓苔古春井，樓閣少方壺。
爲問山陰客，蘭亭似此夫。

卷一百一十一
無

湖水膩於羅湖雲澹欲波風光原綺麗天氣尙清和因
樹開茶社迴橋引櫂歌鴛鴦七十二不避畫船過

今年花早放昨夜雨微零芳草裙邊綠春山酒外青尋
碑纔古寺看竹又溪亭有客吹橫笛梅魂喚欲醒

太傅頭成雪詩篇電若雲後來追雅集當亦感斯文幕
漿搖烟去微鐘隔水聞春風將別夢吹入鷺鷗羣

蘇潭丈招同馮星實方伯趙圃北觀察西湖讌集
連宵微雨釀清和天氣新晴試薄羅一桁闌干臨水活
六朝楊柳受風多雲山只合仙官領士女爭迎畫舫過

紅袖隔花聞細語座中今日有東坡

茶具漁蓑在小舟園林重與約清遊雲將山翠都侵酒人與花枝共入樓後日笑談成掌故先生鋪啜亦風流便教摹上新團扇紗帽依然對水鷗

香蘇山館今體詩鈔卷三終

香蘇山館今體詩鈔卷四

東鄉 吳嵩梁 蘭雪

己未元日書懷

人事隨春換臨樽百感并酸醞嘗世味辛苦得詩名兩
母頭俱白諸孤學未成南陔風日暖且聽讀書聲

雪晴

山氣連朝溼初陽忽放晴樹邊仍雪色雲半已泉聲習
靜觀元化尋幽愛獨行夢餘池草綠新句悟天成

自題梨花詩夢草堂

海嶽歸來客林泉僻處家崔聲寒石磽鷗臥喜晴沙高

樹畱雲久空堂入雨斜昨宵窗未掩一硯溼梨花

書從兄木虛粵遊詩卷

一櫂泛寒碧尋詩入桂林雁聲湘浦夜雲色畫山陰秋
骨從來瘦騷情此獨深草堂終日掩支枕與微吟

病校

家事兼旬謝身閒病校初雲泉養幽性風日暖貧居心
力中年減鶯花二月疎閉門春草長臥看讀殘書

溪行遇雨

竹密青連樹谿寒碧映沙獨來因避雨深處忽逢花溼
濕雲初散荒荒日又斜卻尋前路出沽酒問漁家

園果

園果無人摘離離漏夕陽蠹蟲行處爛飢鳥啄來香得
氣知先熟過時恐自傷鄰翁着手植青鬢已成霜

雨中懷朱抑齋兼寄木虛

一碧無餘地連村梗稻深溪聲下烟隴雨意在雲林
抑齋所居獨倚橋邊樹閒披酒後襟思君山館暮涼葉正蕭森

宿新田寺

山深風露早秋夜寺門局野水月同白高梧雲逼青孤
螢明溼砌飢鼠墮空庭詩瘦無人愛吟教古佛聽

雨後

一犁新雨足眾綠共澄鮮野色低涵樹溪流亂入田泥
香鋤菜地風定網魚天更覓幽深處科頭聽石泉

石溪館雜詩

臨水三間屋年年長自蘋久諳爲客味甘守在家貧積
雨蛙聲喜空階鵠步馴林棲宜養拙自惜苦吟身

一鏡涵虛碧開門就石溪晝閒松鼠出煙暝竹雞啼晝
卷因風展漁竿盡日低偶然成獨往雲水斷橋西

白日常蕭瑟濃陰滿一庭新蕉過墻綠老桂入樓青洗
硯雲俱溼收胥水尙腥書聲愛清絕鷗鷺亦來聽
手植羣芳徧參差映碧苔桃奴深樹落菊婢晚花開瓦

舊松初長籬新竹補栽幽人期未至先與辦琴材

清貧差有味懶漫百無能病侶宜偕隱柴車畏就徵水

香荷葉疏林影栗花燈

山妻以栗花點燈頗有清致

微雨貪涼臥從

人喚不磨

斜日蟬聲遠清溪照掩扉柳邊漁網濕雲外寺鐘微山
月漸移樹草蟲多上衣夜深忘久坐詩思入煙霏

懷人詩

持節三十載先生依舊貧鈔書從秘閣扶病接詩人知
已平生最中朝獎借頻寄箋如束筍吟坐草堂春

閑學翁覃

家在九峯前清風畫輞川注經惟一榻餐粥已三年湖
水平階石籬門泊釣船誰知舊司冠頭白爲籌邊少冠王述

華師士

總角從游早酬知願力違爲貽將母粟曾典上朝衣少
宰兼銜重中樞獨對歸公車有鄉信存問及柴扉少宰戴蓮

師士

七子推煮猶傳經鬢早皤海東求牘稿門下半殊科舊
事青宮記高情白傅多儒林誰附傳負笈悔蹉跎詹事錢辛

生楣先

奉母辭官早閒居四十年樓臺因地勝草木得春偏說

士甘于肉游山健若仙花前曾拜倒狂態笑梅顛

明府袁簡

蕭先生嘗爲余題拜梅圖

別淚臨江滴歸帆載雨斜潮添瓜步水門掩落梅花海
客求詩卷蠻姬繡法華舊游鯨背遠閒上釣魚槎

太守王夢

生德先

勝地宜仙隱雲波十頃寬清時求退早朝貴乞書難古
寺僧留宿扁舟鶴共寒看山有佳句未肯寄長安

侍講梁山

生丹先

日飲西湖水書聲幕府閒勳名韓魏國風味白香山文
貴司衡早詩成破賊還餕春多舊侶去住總相關

中丞阮雲

臺先

生

濩落原安分先生獨愛才替將看榜淚傾入送行杯潭
水秋來淨荷花晚更開往時同社客旌節幾人迴

祭酒法時

帆先

生

忠孝門風舊文衡及早持餉籌金部粟花種玉堂枝才
望宮中貴清名海外知三韓來貢使能誦侍郎詩

少農英煦

濟先生使高麗詩最工

兩江舊開府白髮守窮邊

聖主知孤立蒼生惜左遷扶持多難後存問有司前七

載懷恩淚青衫未忍湔

制府書緩庭丈

露冕江南北吳霜點鬢新春陰棠夾路家具鶴隨身折
節延寒士將詩造古人舊居對廬岳小築願爲鄰

方伯陳東

文浦

西湖清徹底魚鳥識旌旗修禊梨花後行春社雨初門
生載家釀屬吏獻時疏連歲占三白高齋但著書

方伯謝藻

潭丈

兩淮財賦地人說是嘉除水部來持節平山借讀書折
荷秋謙罷吟月夜窗虛未買西谿宅尋常夢釣魚

都轉會賓

谷丈舊有西溪漁隱圖

天恩恕狂直塞外得生還酒苦經年戒詩嚴近日芟花

時尋古寺雪地掩柴關
泉味嘗應遍依然愛惠山

洪稚存編

修

山水探幽負閒身獨往時行蹤黃葉記心事白鷗知漉酒邀彭澤焚香對左司平生詩最澹人更澹于詩

李松甫比

部

館閣儲材地清時有用身官閒仍課士俸薄且娛親道味回中歲詩名似古人莫耽連夕飲醉語亦傷神

張船山檢討

才子爲循吏軍民感涕并屯田蘇瘠壤抗賊守孤城宦久餘書味詩多得正聲西崑誰比似一笑謝時名

楊荅棠農

部君前以守伏

羨功擢州牧

四十飛騰晚栽培出大賢名傾諸老輩交定再生年

初君

贈余詩云誰知相見始直是再生年卻扇才堪匹

君繼室孫夫人有南樓御扇圖題襟句

屢聯難忘邦上酒風雪畫離筵

吳山尊學士

故人剖符竹風日古幽州書到逢邊雁山遙入戍樓種

花心似昔聽雨夢先秋若話江南舊湘娥亦解愁

劉松齡大

史君姬周氏

字曰湘花

近得荆湘信軍民漸不諱春雲低雉堞戰地臥桃花投
筆才初歛匡時願豈奢懷人應有淚容易落清笳

徐明齋大

令

少年同獻賦才地讓清華士論歸持節官逋願毀家道
心生夕磬詩夢警秋笳瓶水侵晨換先開供佛花

譚蘭楣儀

部

老筆君無敵狂名眾或嫌才高妨命達律細考詩嚴茗
氣雲生幔書聲雪滿簾寒閨工寫韻字價亦酬繚

王惕甫廣

文

門巷無人識經年只苦吟桂林冬更綠湘雪夜來深奇
服耽成癖孤絃少

繼音草堂君所畫詩夢或相尋朱小岑布

衣

示女宜謾

新詩經母授了了誦聲初稍待垂髫日應能課弟書中
年誰慰我合室盡憐渠兩妹同嬌小心靈恐不如

晚晴

林壑容蕭散移床對晚晴雨餘新月色花下暗泉聲倦
鵠依枝穩疎螢入檻明小詩吟未愜自繞礀松行

聽夜泉

不知泉遠近終夜響泠泠絕礀無人到空山有鶴聽夢
迴疑急雨林霽出疎星明日尋來處秋苔石縫青

庭中老桂先祖子雲公手植

吾家青桂樹傳是宋時栽根透寒谿出花含凍雨開四

朝遺植少一院暝香來日就庭陰坐秋衫涴石苔

石溪

溪水寒逾澈溪雲午亦陰青苔濯毛髮紅葉照幽深策
策沙魚影蕭蕭野鶴音我懷同寂湛只愛坐疎林

題松甫比部所校李少鶴遺詩後卽寄

五字持高格平生鶴道人天懷自澄澹詩骨共嶙峋旅
櫬兵間出清門宦後貧遺編和淚校展卷一沾巾

寄別棲霞僧

石室坐來陰諸天鐘磬沉中峯聞警雀寒月下空林塵
劫多生淚枯禪獨夜心明朝山背路病馬更骎骎

石溪梅花盛開攜酒獨賞

不悟香來處谿雲一往深花開將半樹雪意未全陰歲
晏留孤賞天寒入苦吟故人臨水別瘦策記誰尋

橋西晚步

歲暮完租稅閒身得暫僂生來甘冷澹住處恰幽偏黃
葉橋西路青松雪後田意行無遠近多在柘溪邊

向晚炊烟碧臨溪四五家水聲裏石瀨村意入梅花臘
酒知才釀冰魚漸可叉耦耕前約在聊與問桑麻

書亡友蔣湘雪詩卷

十六年前拜老蘇東坡才已並時無一官潦倒酬知淚

萬口流傳摘句圖
雛鳳羽毛原異采
驪龍鱗甲盡明珠
誰知風雪藏園夜
隻字冥搜海亦枯

六朝花月蔣侯祠
卷內空畱唱和詩
歌館酒寒紅豆曲
墓門風滿白楊枝
江南舊侶猶存我
身後名山更待誰
今日斜川能繼述
書成應告九原知

謂公子立中

尋梅夜歸

穿花翠羽時一啼
有客衝寒過石谿
明日滿天霜滿地
尋香只在斷橋西

溪邊一樹最多情
畱住梅顛不放行
明日再來風味減
有花臨水到三更

芒鞋踏濕凍侵衣病婦籠燈待掩扉正恐夜深無覓處
半肩殘雪拗花歸

老梅一株在鄰舍荆棘中移植小園慨然成詠
廣平一賦鐵心腸標格由來重老蒼自許烟霞能管領
暫依荆棘也無妨乞從茅屋栽偏貴開到空山遠更香
莫訝南枝春信早百花頭上有冰霜

憶梅詩

平生風味共誰親一樹梅花一故人相憶時多相見少
年年孤負柘溪春

憶梅曾喚西冷渡放鶴亭空片月斜一種孤芳同愛惜

禁寒來看未開花

憶梅曾上梅花樓元墓銅坑許縱遊香水半篙春雨後
百花生日到蘇州

憶梅曾陟梅花嶺門掩斜陽閣部祠一株偃臥水霜底
恐是蒼龍化後枝

憶梅曾下瞻園榻萼綠僊人最有情小院雪深雙鶴睡
花前守歲到天明

憶梅曾載隨園酒酒畔紅粧照白頭謂袁子才先生烟月六朝
花萬樹夢爲蝴蝶也風流用東坡詩意

憶梅曾撰藏園杖扶病吟詩尙倚欄笛裏一生知己淚

空塘老樹怕尋看

謂蔣定甫先生

憶梅曾訪蕉山寺
山半晴雲翠拂窗
臨水鐵枝偏兀傲
萬花倒影入春江

栽花園屋種成田

憶梅昨得羅浮信
月落參橫夢欲迴
綠鳳一聲天似水
扣門誰見縞衣來

春信明朝到敝廬
溪橋香徧十三株
滿身風雪當花拜
別後清狂憶此無

雪後尋石溪

一夜茅檐凍不勝開門雪白已千層怪來溪水聲都盡
半積梅花半結冰

上巳日同諸弟脩禊南湖

地愛南湖曠閒邀載酒過鷺邊春水綠鶯外柳花多雨
意村村合煙痕樹樹和輕陰宜放艇已借釣魚蓑

溪館小集

近里交遊少經旬始一來菜香畱午飯山翠入春杯牆
筍穿泥出溪花臥水開屐痕青未減重與踏新苔

集藏園送譚君農儀部八部分韻得園字

七載長安別浮生祇淚痕攜家仍旅泊清宦亦

君恩旅雁霜天落檣燈雨夜昏歡悰明日減及此晝西
園

寄題白庵六琴吟館

六琴以外書千卷萬竹中間花幾枝閒煞白庵老居士
秋陰背手去尋詩

阿雨窗按察招飲賦呈

公持東郡節高詠嶽靈知我喚西陵渡歸帆潮信遲泥
雲判踪跡冰雪共襟期除是王摩詰心香爇爲誰
清讌招羣雅潯陽記盍簪江聲移榻近山翠入樓深涼
月鷗邊上昏鐘樹外沉滄浪隨處有寥落古人心

銅鼓張司馬

古餘先生

鉛山蔣孝廉

叔子

論文關氣誼選韻

愛清嚴酒出仙人釀花從古佛拈微名頻寄訛感愧一

心兼

詞玷今相望星芒射曉寒才憂交臂失句到愜心難香
草知同氣幽琴肯獨彈吟箋遲未出懷袖自尋看

書雨窗廉使詩卷

平湖湛秋月一片妙明心詩格高無敵天機靜者深領
松雲結簾谿竹雨成音此境同誰造蕭然句外尋

廣信道中題壁

行期欲改畏蹉跎惜別聲聲喚奈何辱婦持家心緒苦

衰親扶病淚痕多致身有地年須少拔宅無天計總訛
慙愧古人風義厚力田孝弟是殊科

常山夜泊

隔夜辭鄉縣衝寒下筈輿換船臨水驛沿路寄家書旅
夢波濤怯春愁鬢髮疎瀕行多暗淚今日盡沾裾

蘭谿櫂歌

九姓漁娃各樣船妹同年喚嫂同年新粧若箇臨春水
一面紅潮最可憐

蘭谿谿水膩於羅夾岸花開照綠波蘭漿一搖風十里
鴛鴦多處美人多

柳枝婀娜橘枝秋才撥湘絃便解愁天上明珠拋作雨
珠聲一串是歌喉

歡有因緣妾有情並頭花朵記前生桐江此去無多路
只願無風緩緩行

七里灘

雲瀑瀉淙淙浮嵐翠溼窗晉魚明乍擲沙鳥臥仍雙路
仄疑穿峽山多愛入灘平生選詩夢一半在桐江

西臺懷謝皋羽

趙家塊肉沉滄海痛哭西臺事已非下食似聞朱鳥化
游魂誰召黑龍歸江山憑弔留荒石天地蕭條一布衣

如意只今重擊碎霜風吹裂釣魚磯

阮雲臺中丞招集瀛舟卽席賦謝

餞春人別已三年重載金樽入畫船湖水綠添山雨後
梅花白到寺門前煙雲供養歸生佛樓閣清虛望散僊
留取瀛舟佳話去詩成多在鷺鷗邊

胥門感舊詩爲
不浦先生作

旌旗來往駐扁舟水驛春寒愴舊遊知己平生難再得
愛才餘事亦千秋曾經多難酬恩晚說與衰親迸淚流
今日酒醒拚一慟胥江門外是西州

陽湖喜晤洪稚存亮吉編修卽書荷戈賜環二集

詩後

一疏居然動

聖明似聞傳寫徧公卿窮荒天許來磨盾請室心猶望
洗兵正氣三更銷鬼燄事見集中邊愁萬里入笳聲孤臣垂

死

恩難報不願人傳敢諫名

春風吹入玉門闕天上金雞

詔特頒五月雷聲傾雪水一梯雲影度冰山神魚擁甲
隨潮上龍馬如人立仗閒畱得新詩光萬丈夜郎爭看

謫仙還

伊小尹太守丈出示施小鐵大理正聲集及其手

書因次集中奉懷韻留別

別裁僞體古風存詩律同誰更細論開篋字霑知已淚
落花香入餞行尊名家先後同千載吾道淵源愧一門

余與大理同受業於王述庵師遺集手刊傳更遠酬知心苦勝酬恩

鴛鴦湖避雪

湖上樓臺玉不如梅花綠後柳黃初一天風雪連雲水
合著紅衣畫釣魚

寄述庵師三泖漁莊

欲買松江櫂淹留苦未能春寒難敵酒老淚易成冰繫

纏當門樹父魚隔浦燈九峯雲翠溼小泊記吾曾

得吳縣唐陶山大令手書卻寄

十載雲龍願不虛柳枝偏折定交初雕鐫已悔年來誤
慰藉深煩病裏書錦瑟風懷中歲少玉堂消息故人疎
與君共勉匡時學揚馬文章亦緒餘

春及草堂讌集同張古餘司馬萬廉山明府

鷗鷺無成約相逢畫閣陰雪痕留樹淺花氣入簾深綽
約雲鬟影玲瓏玉笛音夜闌搖漿去一倍惜離襟

訪王夢樓太守不值承以手書畱贈酬詩而去

不見王摩詰凌寒別潤州江聲連櫂雨山翠讀書樓尺

素槭猶溼詩篇老更遭焦君相待久何日踐清游

辛酉仲春四日過廣陵晤曾賓谷運使留宿題襟

館並招汪司馬劍潭邵大令無恙王學博楊甫

樂明經蓮裳金手山秀才小集卽席賦謝

詩館江寒夢白鷗爲題襟又到揚州梅花漂雪都隨舵
湖月邀人共倚樓舊侶別來多上第新春強半在扁舟
誰知計日兼程客鶴背風高尙小留

珠簾十里玉簫聲杜牧狂遊已隔生閱事多應持定力
感知深豈在時名老依幕府終何用才可名山貴早成
佳句讀過三百遍酒邊熱淚更縱橫五六皆用公見贈詩意

薄粥寒釭二十年一科潦倒似登天窮來駿骨高無價
老去蛾眉畫不妍廉吏輸官惟賣宅小人奉母合歸田
此行恐負羣公望便到蓬萊亦散仙

先君賠款復奉
咨追未繳

雲海生愁跡漸疎一持畫蕩一公車酬

恩念切遲招隱經世才高待著書黔楚烽烟兵未撤江
淮根本用先儲樞廷早晚期公入莫令蒼生願久虛

爲陶生本忠題節母梅孺人寒燈課子圖

汝祖循吏兼廉吏汝母才媛又節媛父歿汝來承繼早
母孀特爲撫孤存十年薄宦留書卷五夜寒燈照淚痕
教汝孩提今弱冠母爲賢母汝賢孫

中年講學吾何有千里擎舟汝願隨山館圍爐斟歲酒
雪窗籠燭改春詩憐才難得鄉先輩負笈來尋閻部祠
莫以門單憂自立韓歐同是少孤兒

時屬賓谷都轉送入梅花書院肄業

過漂母祠

年少封侯更數誰英雄落魄竟長飢平生一飯恩難報
怕過淮陰漂母祠

羊太傅墓

公豈酖人者吳兒諒此心風流儒將少遺愛峴山深碑
臥苔花地墳荒宰樹林千年陵谷改我亦淚沾襟

王嬌灣

萬古一琵琶明妃別有家君心青海月妾淚漢宮花備選名應早酬恩計轉賒亭蘿天更遠誰見浣溪紗

聞王古遺孝廉誦落花詩感賦

已是尋春向晚來飄零忽見錦成堆花魂有主招難得鈴語無人聽轉哀隔午看時驚絕艷爭春多處悔全開更憐背日遮風地病蕊紛紛滿綠苔

開遍繁華別故林天涯芳草又傷心更番猛雨判都盡一嫁東風誤已深金谷落紅春黯黯玉堂新綠晝陰陰人間多少銷魂事淒斷江城暮笛音

河間府得酒縱飲至醉逆旅主人新塗粉壁走筆

爲書末署梅顛二字觀者不知爲誰也

游戲人間亦偶然不成將相不神仙黃河絕唱真才子
紫塞狂遊俠少年百念掃除無垢地三生飄泊有情天
旁人見下梅花拜只道梅顛一味顛

附漁舟至大雄縣頗有江鄉逸興

古道似長隄春痕綠未齊馬前新柳出鷗外落花低暮
網看紛舉扁舟得暫攜蕭然雲水興已在小西溪

題寄南園

南園桃李樹爛熳欲蒸霞昨夜落成雨沿溪都是花白
鷗浮近岸紅鯉過誰家我自愛春水一竿終日斜

旅懷

獵獵驚風捲怒沙
蹇驥先後出京華
從軍願草三邊檄
橫海誰乘萬里槎
生計難捐因有母
故鄉能去恐無家
此身畢竟歸何處
憔悴人間落溷花

鴻雪草堂同陳竹香

鳳翔太守話舊
扁爲李恭
公舊書

落魄當時兩少年
同騎瘦馬踏幽燕
官高

聖主親除後交在英雄
未遇前救渴望先酬
赤子焚香
心可告青天草堂題字分明
在秉節君應繼大賢

竹香邀游天橋灣攜酒爲餞

主人送客兼畱客特借名園載酒來
竹筍怒從山背出

荷花先向水南開千峯溼翠疑蒸雨十里輕陰漸轉雷
天意也嫌分袂早樵風仍引畫船迴

上冢宰朱石君先生

釣樞旋轉笑談時位業真靈有夙期四海瓣香歸老宿
九重前席問瘡痍桓榮稽古恩無匹裴楷當官鑒不遺
聞說退朝焚疏草嘉謨未許外廷知

布衣深悔託公卿才坐春風氣已平冷宦待除唐博士
名山舊領魯諸生愛才自古無資格作佛終須有性情
乞取妙蓮花一朵火雲堆裏御風行

思元上公招同英夢禪布衣法時帆學士張船山

檢討楊蓉裳員外集樊學齋卽席次韻應教
竹裏金尊取次傳俊游剛及餞春王維澹坐成詩佛
李白狂呼是酒仙楊柳青旗村店雨菜花黃蝶水鄉田
風光如此宜招隱來誦淮南第一篇

圖賦詩應教

日暮白雲出飄然殊未還明湖三十頃照見畫眉山樹
影參差久蟬聲斷續問誰知臨水客幽意最相關

一雨先秋到湖天得驟涼稻花村徑黑荷葉水亭香燈
火從誰借衣衫溼未妨歸來搖醉筆雷電更飛揚

樓閣虛明裏斜陽萬柳條記尋黃葉路曾過繡漪橋暮
鯉看頻擲閒鷗久見招塵勞今廿載對此亦魂消

詩畫通三昧西園約再過身雲功德滿心月妙明多道
力山同定離愁水欲波扁舟吾已具歸補舊青蓑

寄康茂園先生兼呈伊山郎中少弼員外

砥柱中朝峻鯨波夢自恬民情依節鍼宦味守壘鹽老
病猶宣力孤高不避嫌持衡有公子家法共清嚴伊山方督

甘學陝

踏徧槐花路文場劖苦辛得官由任子似父卽名臣才
到中年歛家因久宦貧平生同患客童稚已情親

送吳玉松編修譚蘭楣禮部典試出都

驪唱先持畫節聽隔宵詩社酒微醒旗邊山翠圍金筑
笛裏梅花滿洞庭場屋廿年頭半白文章四海眼誰青
遺珠莫畏搜羅苦多少單寒望使星

再送蘭楣

昨將佳句擬湘靈今送仙槎泛洞庭前日方知詩是識
數峯先與夢俱青花邊看榜衣猶溼江上懷人鬢欲星
若倚危樓吹玉笛夜深防有老龍聽君去年見贈詩引
錢起故事及問余

得舉有江上峯青偶入詩前番吉語似先知之句今乃知爲自識也

漫興

手植名花計未疎花前調護要工夫
菊牛蘭蕙尋常有肯費閒心爲剔除

竹簾

黃竹裁成簾新涼臥獨幽五花承露溼一水貼烟流暮
樹深籠午空堂易得秋夜來微雨過詩夢到蘄州

西苑直廬舊有紫藤二株爲作木架花葉益敷賦

呈蓮士師

紫藤兩樹久離披高架重煩與護持已惜園林芳序晚
來看庭院午陰移擎雲新幹騰初上得雨幽花放未遲
培養要先根本地青青不比寄生枝

小晴

雨聲聞小歇餘潤在衣裳斷水明初霽孤花媚夕陽泥
深仍沒屐屋漏旋移床兒說城南路經旬似野塘

雨後

離院經旬掩薜蘿疎疎涼雨夜來過幽禽得意啼偏早
野草無名長漸多舊事都如雲入夢閒愁爭似水微波
晚花一樹垂垂放綠暗紅稀奈汝何

醉中縱筆

放眼青冥首重搔此身天地一秋毫有心用世憂何補
無事求人臥最高書卷山中堪歲月河聲枕外卽波濤

官逋倅脫吾親健甘守平生舊縕袍

憶新田

村前村背雲連屋谿北谿南雨浸沙春竹笋邊秋竹筍
絳桃花外碧桃花老翁栽菜復栽稻鄰女采桑兼采茶
閒煞香蘇山下客讀書讀到日西斜

柘溪石溪同一溪牛坳煙隴溪東西落花落葉沿流下
漁網漁罾夾岸低梅樹綠連松樹綠山禽啼應水禽啼
聲聲遠笛在何處橋外有橋哩外哩

香蘇山館

牆外千峯似畫屏竹邊一路款柴局新花過雨種都活

老樹經雷燒更青春水去年平砌石白雲終日在窗櫺
晝長自枕殘書臥除是幽禽喚得醒

石溪屋

石橋西畔盡垂楊直到亭陰下釣航雨後收睂星欲動
花邊滌硯水俱香每尋幽句終朝坐只看閒鷗百事忘
匹似京塵天樣遠溪聲一聽已心涼

雨後頗憶故園幽事涉筆成詩

名園小住亦清涼夾竹桃開梔子香卻憶蘇山新雨後
芭蕉青到讀書床

林影蕭疎點又斜晚風吹溼舊窗紗生愁溪水連宵長

漫殺初開白藕花

野水縱橫入稻田直浮驚鴨到門前垂楊半樹根全沒恰與鄰翁繫釣船

芳草茸茸浸碧漪堂坳積水漸成池夜涼一枕西窓臥月上林梢尙未知

葛衫狼籍涴蒼苔野老同游更不猜圓飯自臨溪水坐沙鷗一喚盡飛來

細雨斜陽萬柳條雪衣公子太風標自看影入沙泉裏緩步如人過小橋

隔溪雲樹有千層幽徑深深到未曾行過橋西香更遠

水花開偏鷺鵠藤

柘塘新水一篙深初種魚苗細似針素鯉年來多尺半
漁竿誰下草堂陰

苦雨

玉泉新漲入昆明雲勢駿駿雨又成滿地波濤騎馬路
中宵霹靂壞牆聲良苗萬頃方針水惡箐千山未撤兵

時得軍報方勦賊老林聞道

至尊憂積潦天心應放詰朝晴

喜晴

一詔才宣萬淚傾波臣先避

翠華行旋看白屋歸安堵畢竟蒼天感至誠膏澤過多
能損稼陽和得氣已銷兵軍中累得捷音腐儒愧乏匡時策竊
喜田間聽誦聲

霜鐘詩元初蕭性淵鄱陽人家蓄一琴爲宋南渡
時物名曰霜鐘

家世能琴亦可憐姓名冷落付湘絃履霜一操天俱凜
淒絕芝陽蕭性淵

落葉蕭條紅樹枝秋聲先向指邊吹南朝花裏深深夢
響徹華鯨也不知

花石綱邊艮岳秋朝廷雖小尙風流金徽莫奏當年曲

紫塞天寒雁亦愁

半壁東南又夕陽哀絲豪竹總淒涼請看三尺枯桐尾
中有銅僂淚萬行

荷花生日感舊

臨水孤亭記定香再來何處覓紅粧一盃已是前生醉
百歲能容幾日狂雲裏仙遊應汙漫花間小劫亦滄桑
曼殊舊宅無人管驂雀歸來也斷腸

寄陳竹香觀察

遷郭驚濤勢拍天

至尊親擢使君賢防河心苦陳三策砥柱功高障百川

冒雨自騎官廄馬計丁親給水衡錢旌陽本是循良吏
看鎖神蛟鐵樹邊

九月十二日兒子報春生山妻以詩見寄云得子

中年敢怨遲高堂兩鬢已成絲抱孫亦在重陽
後喜似郎君得解時蓋余去年鄉舉信至亦是
日也因用其韻寄酬一詩

雙魚一拆笑開眉佳氣充閨果預知慈竹抱孫應易長
秋花結子未嫌遲遙占新婦爲婆日今年十月爲兩姪娶婦予先有詩寄
內云歛衽莫辭新婦拜阿娘也有做婆時喜似書生得解時若道鶴陰能繼
響家傳只有二南詩

題船山秋閨士女圖

桃李人間艷雲霞，世外姿矜嚴猶惜影粧。
東首隨時日暮衣，仍薄秋涼扇早知生愁謠。

述懷呈少農師

駒陰漸逼鬢毛疎，誰道詩篇錦不如。廿載冰霜才挫折，
六朝花月病銷除。家貧更乞荒年米，業廢重溫舊日書。
慚愧孫陽哀駿骨，不教辛苦負鹽車。

慘綠依然少日衣，酬知有淚爲公揮。雪林昨夜孤花放，
雲海何年病雀飛。守拙待回天意厚，觀空甘與世情違。
風塵亦有名山在一瓣心香更掩扉。

小除後一日作

鼙鼓驚心換歲華，倦游踪跡又天涯。
黃羊隔夜方辭竈，白雁衝寒未到家。
苦味漸回思諫果，春光太早借唐花。
俟門列炬笙歌暖，誰共劉生賦雪車。

殘書一榻擁寒燈，門掩深宵喚不膺。
枯竹葉添茶銚火落，梅花入硯池冰耽。
詩近日吟都減學，道中年媿未能。
夢踏石溪橋上路，故山雲綠已千層。

寄內

緘書月月寄長安，離抱何曾得暫寬。
作婦貧家心最苦，生兒中歲淚才乾。
堂前白髮須求養，畫裏青山未入官。

畢竟忍飢歸亦好一盃春酒坐團圓

再書家信後

一年二十九封書心到慈幃書到無今夜酒邊如拆看
莫教清淚入屠蘇

壬戌九月初三日雨泊揚州

高樹檣燈出風光記舊城重陽花尙少獨夜雨初成古
劍無龍氣秋詩有鶴聲江鄉知漸近米價最關情

九月次韻樂三元淑

小庭風露夜來深寒菊枝枝瘦不禁戒酒恰逢新病日
看花都抱故園心衣邊楚雨仍沾袂鏡裏吳霜已上簪

百樣風懷中歲減裁詩爲汝一沉吟

次韻金手山兼荅寶谷都轉訛病作

離緒才寬病又成一燈寒夢逼深更床前月共秋蛩語
樹杪雲沉過雁聲別墅衣香誰選艷江鄉米價獨關情
今年勝節真孤負不見黃花照酒明

紅蕙詩爲袁又凱作

根共青蘭一處生偶隨桃杏競春榮幽芳自葆山中性
不願人間博艷名

康山喜晤陳曼生同年

一笑披衣出眞疑別夢同對床山閣雨孤櫂石尤風老

淚花前滴秋思病後工望歸君已近鄉思雁聲中

賓谷都轉自海州寄詩枉訊次韻奉答

得失紛紛雞與蟲此身先在達觀中關山如此猶行旅
齒髮居然一病翁蟬蛻已疑前世事石交真有古人風
久遭二豎揶揄甚一讀新詩氣轉雄

神雕暫舉卽千里飢鳳無聊強一鳴身後相期同入傳
人間不幸早知名華嵩骨峻思前輩湖海才多畏後生
從此閉門心更苦一編初就萬緣輕

再次前韻寄題襟主人兼示元淑

天地無心應候蟲苦吟偏在倦游中論兵壇坫誰飛將

臥病江湖有放翁詩話三生聯舊雨才名甘載哭秋風
射雕弓力今全退敢向中原角兩雄

鐘呂天然有正聲人間瓦缶漫雷鳴句奇不受庸人賞
才逸終收曠代名手草定遲刪少作心花開早悟前生
明知虛牝黃金擲千首何妨萬戶輕

遣懷疊韻再柬元淑

庭院秋深響露蟲再搜殘句亂愁中何人破格收奇士
終古浮家有釣翁屋漏旋求移榻地江行不借滿帆風
平生守拙原吾分坐看閒培蟻鬪雄

燕筑能爲變徵聲寶刀猶向夜深鳴無求便作神仙想

不朽原非將相名新雁今秋多斷信故人幾日送浮生
青山何計能投老桐帽棕鞋一味輕

送秋詩次韻元淑

暮景催人急秋懷比病深况兼新別淚并入故鄉心道
遠音書梗天寒酒力禁候蟲同一感嗚咽壞牆陰

浮生如斷梗塵海復書叢前日扁舟到重陽細雨中黃
花今掃地白雁自橫空百慮中年集都因昨夜風

閒居有述

塵夢今年隔磽阿閒居觀物暫婆娑迸雷怒筍成高竹
擎雨幽花出瘦荷窮達須諳天下計浮沉眞愧古人多

著書迂拙知無用歲月空山愴逝波

唐策萬言劉諫議漢廷一疏賈長沙文章至此關天運
進退何人爲國家一技乘時求實效六經行世豈空華
閉門且復窮根柢畫餅才名悔八叉

同芳柳春晚

徑掃綠陰餘簾櫳晝不如病妻同選韻嬌女漸貪書村
釀尋常有山田次第鋤本無經世畧生計亦蕭疏

村居雜詩

谿園老桂百年栽深綠遮檐晝不開行過石橋回望久
始知身自畫中來

飛絮游絲清晝長枝枝葉葉又斜陽芭蕉多在春陰裏
一帶玲瓏白粉牆

一犁甘雨足今年蓑笠家家下早田高穗垂花秧刺水
風光繡出柘溪天

十畝溪田一檻平高雲低樹漾空明鴉鉏才放黃泥缺
便有飛花滾雪聲

樵唱書聲隔水聞叢篁密葦路難分樹梢遮斷春山綠
半是炊烟半白雲

畫橋連日漲溪波天意陰晴苦未和一綿斜陽疎雨後
落花紅較白魚多

陰陰野水漾明沙
一簇鮮紅浸斷霞
誰信地偏春不到
清明猶有未開花

意行十里未嫌遲
又是村烟向暝時
歸路卻隨黃犧返
無人知道爲尋詩

藕塘對雨

園林同一碧
眾影入清虛
竹色涼烟裏
荷聲驟雨初
看雲銷世慮
飲水悟仙書
近日閒成癖
青琴亦漸疎

石谿館種花

荒園一畝翦荆榛
種樹心勞比字民
沃土清泉移得地
嫩晴微雨釀成春
早除元蟻培根密
淨剔青蟲放葉新

自分窮居生計少萬花能活亦精神

寄懷陳竹香觀察

天語詢家世歡聲到薛蘿時清思乞養髮白爲防河
聖主恩難報衰親病已多還鄉真畫錦猶有淚滂沱

寄懷蔣師退大令

吾黨推飛將才鋒辟萬
年自隱龍性望終馴薄
祿娛衰母柔心字小民千將持補履宦味亦酸辛

謝侍郎祠

名德溥祠在萬石塘

侍郎崇位業姓字里人知嶺石平今路溪雲入古祠當
花漁網溼出樹爨烟遲先哲荒墳在同誰訪斷碑陸復齋先

墓生

寄焦山僧借庵

萬劫隨江海妙明持此心雲隨行屐緩雪爲坐禪深看
竹偕幽侶聽澗入梵音新詩如瘦歸誰與鑄黃金

鄭州道中

天涯依舊柳條新烟翠濛濛畫未真連日旅寒增料峭
昨宵歸夢共酸辛路邊紅杏舊心樹花下青驢踏雨人
一種孤芳天不管風光誰占曲江春

趙北口

春陰細雨且停驂千里風沙味飽諳橋路再來尋趙北

水田一綠似江南才名早歲唐花麗道味中年諫果甘
幸有故人能對榻醉來落筆看清酣

河間旅舍題壁

騎驢渺渺入林坰病眼看春得暫醒卻愛杏花紅斷處
一梢雲似故山青

香蘇山館今體詩鈔卷四終

